

ახალი სარსაპული

352 (11) 18 მაისი, 2017 წ

სარსაპული დიდი გამარჯვების 72 წლის იუბილე აღინიშნა

9 მაისს ხარაგაულის მუნიციპალიტეტში გამგეობის კულტურის, განათლების, სპორტისა და ახალგაზრდობის საქმეთა სამსახურის (უფროსი ირინე ჩხეიძე) ორგანიზებით ფაშიზმზე გამარჯვების 72 - ე წლისადმი მიძღვნილი ღონისძიება გაიმართა. ღონისძიებას ხარაგაულის მუნიციპალიტეტის გამგებელი ნიკოლოზ თოფურიძე და ადგილობრივი ხელისუფლების სხვა წარმომადგენლები ესწრებოდნენ. მუნიციპალიტეტის გამგებელმა 9 მაისის მემორიალი გვირგვინით შეამკო და ვეტერანებს ფაშიზმზე გამარჯვების დღე მიულოცა. ამჟამად ხარაგაულში 13 ომის ვეტერანია, მათგან გამარჯვების დღისადმი მიძღვნილი ღონისძიებაზე მხოლოდ ორმა - გიორგი ბლუაშვილმა და იური ბუაჩიძემ - შეძლო მოსვლა.

სამამულო ომის გმირებს სიტყვით მიმართა ხარაგაულის მუნიციპალიტეტის გამგებელმა ნიკოლოზ თოფურიძემ და აღნიშნა, რომ სწორედ ამ ადამიანების



დამსახურებით ჩვენმა სამშობლომ დიდ გამარჯვებას მიაღწია. „თქვენ ხართ საქართველოს სიამაყე, რადგან უდრეკად იდეით ქვეყნისა და ერის მთლიანობის სადარაჯოზე. ერთმანეთის თანადგომა, ერთგულება და თავგანწირვა თუ არ არსებობს მეგობრობაში, პატრიოტიზმში, ყველაფერი ფუჭი და ამაოა. მინდა, დიდი პატივისცემა გამოვხატო თითოეული თქვენგანის მიმართ და მოგილოცოთ დღევანდელი

დღე,“-აღნიშნა გამგებელმა. გიორგი ბლუაშვილმა ადგილობრივი ხელისუფლების წარმომადგენლებს მადლობა გადაუხადა ყურადღებისა და დაფასებისათვის.

„დაე, მშვიდობიანი და უღრუბლო იყოს თქვენი სამომავლო ყოფა, თავისუფლების უქრობი მზე ენთოს თქვენს სულეში, გამარჯვებულ და გაბრწყინებულ საქართველოში გეცხოვროთ.“ – დასძინა ვეტერანმა.

72 წელი გავიდა მას შემდეგ, რაც ისტორიას ჩაბარდა თავისი შედეგებითა და მასშტაბებით ყველაზე სასტიკი ომი... ომი, რომელიც 1418 დღე გრძელდებოდა და 20 მილიონი ადამიანის სიცოცხლე შეინირა. დიდი სამამულო - ასე უწოდეს ამ ომს. მისი ისტორია სავსეა ვაჟაკობის, შემართებისა და გმირობის ბრწყინვალე მაგალითებით. რაც უფრო მეტი დრო გადის ფაშიზმზე გამარჯვების დღიდან, მით უფრო მნიშვნელოვანი ხდება ამ გამარჯვების საკაცობრიო მნიშვნელობა. ხარაგაულის რაიონიდან ფრონტზე 5706 კაცი გაიწვიეს, აქედან 2704 მეომარი შინ აღარ დაბრუნებულა. 798 გმირული ბრძოლისათვის დაჯილდოვდა ორდენებითა და მედლებით, 6 მათგანს საბჭოთა კავშირის გმირის წოდება მიენიჭა.

ომის ველზე წასული 19 მამაშვილი უკან აღარ დაბრუნებულა. ხშირი იყო შემთხვევა, როდესაც ერთი ოჯახიდან ომში 4-5 ძმას უწევდა წასვლა. ასე დაეცა ბრძოლის ველზე ოთხი ძმა - სახვადეები - ვერტყვიჭალიდან, ოთხი ძმა - ავალიანები-სარგვემიდან, ოთხი ძმა - ტაბატაძეები-ხევიდან, ხუთი ძმა - კუპატაძეები-ვანიდან და სხვა. შინ დარჩენილი ხარაგაულელებს მნიშვნელოვანი წვლილი შეჰქონდათ გამარჯვებაში. ჩვენი რაიონიდან გაიგზავნა 13 მილიონი მანეთი სატანკო კოლონებისა და თვითმფრინავების შესაძენად, 18 მილიონი-თავდაცვის ფონდში. შეგროვდა 100 ტონაზე მეტი სოფლის მეურნეობის პროდუქტი. ასე უპასუხეს ხარაგაულელებმა მოწოდებას „ყველაფერი ფრონტისათვის, ყველაფერი მტერზე გამარჯვებისათვის.“

აღსანიშნავია, რომ საქართველოს მთავრობის გადამწყვეტილებით, სამამულო ომის გმირებს 600 ლარი ჩაერიცხებათ, ხოლო ადგილობრივი ბიუჯეტიდან მათთვის 200 ლარი გამოიყო. გარდა ამისა, მუნიციპალიტეტის გამგეობა ომის ვეტერანებს ყოველთვიურად კომუნალურ ხარჯებს უფარავს.

ნიკოლოზ თოფურიძემ ფაშიზმზე გამარჯვების დღე ომის ვეტერან შაქრო მალლაფერიძეს პირადად მიულოცა



გამგებელმა შაქრო ბაბუას სიმბოლური საჩუქრები გადასცა, გამგეობის სოციალური დაცვის განყოფილების უფროსმა ალექსანდრე ტაბატაძემ კი - პრემიერ მინისტრის მისალოცი ბარათი.

შაქრო მალლაფერიძეს ადგილობრივი ხელისუფლებისგან 200 ლარი, ხოლო საქართველოს მთავრობისგან 600 ლარი პირად ანგარიშზე ჩაერიცხება.

9 მაისს ხარაგაულის მუნიციპალიტეტის გამგებელი, ნიკოლოზ თოფურიძე, ომის ვეტერან შაქრო მალლაფერიძეს ოჯახში სტუმრობდა. გამგებელმა სამამულო ომის გმირს ფაშიზმზე გამარჯვების დღე მიულოცა და ჯანმრთელობა და დღევანდელი უსურვა.

შაქრო მალლაფერიძე 18 წლის ასაკში გაიწვიეს საბრძოლველად. 21 წლის დაბრუნდა და ამის შემდეგ შექმნა ოჯახი. 93 წლის ომის მონაწილეს მეუღლე, 4 შვილი, 8 შვილიშვილი და 16 შვილთაშვილი ჰყავს.

სენაქაჩიოთაჯ ბაზუჯას სარაგაულის სენის ააარაბაჯი ბადაცაუთ

ხარაგაულის მუნიციპალიტეტის გამგებელი, ნიკოლოზ თოფურიძე, სტოკჰოლმის სმენადაქვეითებულთა ასოციაციის შვედეთის განყოფილებაში შეხვდა. ასოციაცია, პროგრამის კოორდინატორ მაია ჯონსონთან ერთად, ხარაგაულში მნიშვნელოვან პროექტს ახორციელებს. სოციალური პროექტის ფარგლებში, მუნიციპალიტეტის საჯარო სკოლებში სმენადაქვეითებულ ბავშვთა გამოსაყვანად კვლევა ჩატარდება და საჭიროების შემთხვევაში პაციენტებს სმენის აპარატები საჩუქრად გადაეცემათ.

შვედეთის დელეგაციის წევრებმა, მაია ჯონსონთან ერთად პროექტის მიმდინარეობის გეგმა და დეტალები მუნიციპალიტეტის გამგებელს გააცნეს და აღნიშნეს, რომ შვედი ექიმების ჯგუფი



მალალი დონის სპეციალისტებითა და კომპლექტებული. მათივე ინფორმაციით, კვლევები ხარაგაულში 21 დღის განმავლობაში გაგრძელდება და ჯამში 669 მოსწავლეს ჩაუტარდება.

გამგებელმა, ნიკოლოზ თოფურიძემ, მადლობა გადაუხადა სტუმრებს მუნიციპალიტეტში ასეთი მნიშვნელოვანი პროგრამის განხორციელებისთვის და ხაზგასმით აღნიშნა, რომ ადგილობრივი ხელისუფლება მსგავს ინიციატივებს

ყოველთვის მხარს დაუჭერს. შეგახსენებთ, რომ პროექტი ხარაგაულში პროგრამის კოორდინატორის, ქალბატონი მაია ჯონსონის, ძალისხმევითა და მუნიციპალიტეტის გამგეობის მხარდაჭერით ხორციელდება, რომელშიც აქტიურად არიან ჩართული გამგებლის თანაშემწე გენდერულ საკითხებში ინგა ბერაძე და ხარაგაულის საზოგადოებრივი ჯანმრთელობის დაცვის ცენტრი(დირექტორი შმაგი ხიჯაკაძე).

სარაგაულის მუნიციპალიტეტის მთავრობის განცხადებით

ხარაგაულის მუნიციპალიტეტის საკრებულოს თავმჯდომარემ, მანანა ბარბაქაძემ, ახალგაზრდული საკრებულოს წევრებთან ერთად, დაბა ხარაგაულში მცხოვრებ მეორე მსოფლიო ომის მონაწილეებს ფაშიზმზე გამარჯვების დღე ტკბილეულითა და მათი ღვაწლის მიმართ სიყვარულით გაჯერებული სიტყვებით მიულოცა:

„მეუფასებელია ის ამაგი, რაც თქვენი თავდადებათ შთამომავლობას უბოძეთ. თქვენგან გადატანილი ბრძოლის ყოველი დღე იქცა ქვეყნის თავისუფლების ქვაკუთხედად. თითოეული თქვენგანის სიცოცხლე და ჯანმრთე-

ლობა კვლავ მომავალ ბედნიერ დღეთა შუქურაა!“-დასძინა ქალბატონმა მანანამ.

მეტად შთამბეჭდავი აღმოჩნდა ახალგაზრდობისთვის ვეტერან გიორგი (ჟორა) ბლუაშვილთან შეხვედრა. ომის ქარცეცხლიანი დღეების მონაწილემ არაერთი ეპიზოდი უამბო მათ იმ მძიმე წლებიდან და ერთხელ კიდევ გაუსვა ხაზი, თუ რა დიდი განძია მშვიდობა.

ახალგაზრდებმა ომის მონაწილეს მათთვის საინტერესო თემებზე კითხვები დაუსვეს და სამახსოვრო ფოტოებიც გადაიღეს.

ნიკოლოზ თოფურიძე ნადაბურისა და ხევის მოსახლეობას შეხვდა



ხარაგაულის მუნიციპალიტეტის გამგებელი, ნიკოლოზ თოფურიძე, მოადგილე თემურ ჩხეიძესთან ერთად ნადაბურისა და ხევის მოსახლეობას შეხვდა. გამგებელი ადგილობრივების პრობლემებს პირადად გაეცნო და იმ ინფრასტრუქტურულ პროექტებზე ისაუბრა, რომლის განხორციელებაც მიმდინარე წელს ხარაგაულის

მუნიციპალიტეტში იგეგმება. როგორც ნიკოლოზ თოფურიძემ აღნიშნა, უახლოეს მომავალში ნადაბურის ადმინისტრაციულ ერთეულში ბალის მშენებლობა დაიწყება, სოფელ ნაქვაში კი ცენტრალურ გზას რეაბილიტაცია ჩაუტარდება. გამგებელი ამბობს, რომ ხარაგაულში უპრეცედენტო რაოდენობის პროექტი განხორ-

ციელდება და, საერთო ჯამში, რეგიონალური განვითარების ფონდიდან მიმდინარე წელს სამ მილიონ - ნახევარ ლარზე მეტი დაიხარჯება.

შეხვედრაზე მოსახლეობამ იმ პრობლემებზე ისაუბრა, რაც მათ წინაშე ყველაზე მწვავედ დგას. ძირითად პრობლემად ხე-ტყეზე მიუწვდომლობა

ნიკოლოზ თოფურაძე ნადაურისა და ხევის მოსახლეობას შეხვდა

დასაწყისი 133.

და ნადაურში სამედიცინო ამბულატორიის არქონა დასახელდა. ადგილობრივებმა უკმაყოფილება გამოთქვეს სოციალური დახმარების დანიშვნასთან დაკავშირებითაც. დამატებითი თანხები მოითხოვეს ნადაურელებმა ხიდა-პოპიერების შესაკეთებლად და ხევის მოსახლეობამ - შიდა საუბნო გზების სარეაბილიტაციოდ. ხევში ასევე წყლის მიღები ესაჭიროებათ.

ნიკოლოზ თოფურაძემ აღნიშნა, რომ ნადაურის გზა მომავლ წელს მოხეტონდება. რაც შეეხება შიდა საუბნო გზებს, გამგებელი ამბობს, რომ ცენტრალური ხელისუფლების პრეროგატივაა 2020 წლისთვის ყველა სოფელში გზა რეაბილიტაციული იყოს. რაც შეეხება ფულადი შემწეობის დანიშვნა-გაუქმებას, თოფურაძე განმარტავს,



რომ ეს სოციალური მომსახურების სააგენტოს კომპეტენციაში შედის და ადგილობრივი თვითმმართველობა ამ საკითხების გადაწყვეტაში ვერ ერევა. გამგებელი ხაზ-

გასმით აღნიშნავს, რომ მოქალაქეებს ხშირად უჩნდებათ არასამართლიანობის განცდა, რადგან, ზოგ შემთხვევაში, გაცილებით უკეთესი ეკონომიური შესაძლებლობის მქონე ოჯახს ენიშნება ფულადი დახმარება და ვისაც უჭირს - არა. იგი მიიჩნევს, რომ სისტემაში ხარვეზებია, რაც აუცილებლად უნდა გამოსწორდეს. რაც შეეხება სამასალე და სამშენებლო მუშაობებს, თოფურაძის თქმით, ამ პრობლემის მოსაგვარებლად კანონი უნდა შეიცვალოს, რაზეც პარლამენტში მუშაობა აქტიურად მიმდინარეობს.

დასასრულს, ნიკოლოზ თოფურაძემ, შეკრებილ მოქალაქეებს მადლობა გადაუხადა და თვითმმართველობის კომპეტენციის ფარგლებში პრობლემების მოგვარებას დაჰპირდა.

ეკა შავიძე

რეგიონალური განვითარების ფონდიდან შესაძლოა, 4 მილიონი ლარის ღირებულების პროექტები დაფინანსდეს

ხარაგაულის მუნიციპალიტეტის საკრებულოს ბიუროს სხდომაზე მუნიციპალიტეტში დამატებითი ინფრასტრუქტურული პროექტების განხორციელებაზე იმსჯელეს. გამგებობის კეთილმონყოლისა და ინფრასტრუქტურის სამსახურის უფროსმა, მალხაზ ფხალაძემ, დეპუტატებს 13 ახალი პროექტი წარუდგინა, რომლებიც დასაფინანსებლად რეგიონალური განვითარების ფონდს გაეგზავნება.

აღნიშნული საკითხის განხილვას აზრთა სხვადასხვაობა მოჰყვა. ბიუროს რამდენიმე წევრი მიიჩნევს, რომ პროექტთა ნუსხაში ცვლილებები უნდა შევიდეს.

საფინანსო-საბიუჯეტო კომისიის თავმჯდომარე, ვარლამ ჭიპაშვილი, სოფელ ქროლსა და ღარბიხევში, დეკანოზისძეების უბნის გზის რეაბილიტაციის აუცილებლობაზე საუბრობს. ფრაქცია „ერთიანი ნაციონალური მოძრაობის“ თავმჯდომარე, თორნიკე ავალიშვილი დაბაში ანზორ კიკნაძის ქუჩისა და კიკნაძის ავალიშვილების უბნის გზების რეაბილიტაციაზე ამბიციურად უყრადღებს. ნადაურის პრობლემებზე საუბრობს მაყო-

რიტარი დეპუტატი, მიხეილ გელაშვილი. მისივე თქმით, ძამულას უბანში გზა ფაქტობრივად აღარ არსებობს და მოსახლეობის გადაადგილების ერთადერთი საშუალება ზოგირია. გელაშვილის განმარტებით, ცუდ მდგომარეობაშია გოლისის შიდა საუბნო გზებიც.

მალხაზ ფხალაძემ, ბიუროს წევრებს განუმარტა, რომ აღნიშნულ პრობლემებზე ოფიციალურად უნდა მიმართონ გამგებობის შესაბამის სამსახურს.

რომელი ინფრასტრუქტურული პროექტები გადაიგზავნება რეგიონალური განვითარების ფონდში დასაფინანსებლად საბოლოო გადაწყვეტილებას საკრებულო მორგე სხდომაზე მიიღებს, მანამდე კი საკითხს შესაბამისი კომისიები განიხილავენ.

შეგახსენებთ, რომ აღნიშნულმა ფონდმა ხარაგაულში 3 მილიონ-ნახევარი ლარის ღირებულებ-

ის 14 პროექტი უკვე დააფინანსა.

გთავაზობთ იმ საპროექტო წინადადებათა ჩამონათვალს, რომელსაც მუნიციპალიტეტი რფფ-ში დასაფინანსებლად უახლოეს მომავალში წარადგენს:

1. სოფელ ფარცხნალში აკადემიკოს ეგვინი ხარაძის სახლამდე მისასვლელი გზის რეაბილიტაცია (984 მეტრი, სავარაუდო ღირებულება 176 124 ლარი);
2. სოფელ ლეღნის ცენტრალური გზის რეაბილიტაცია (4 076 მეტრი, სავარაუდო ღირებულება 813 130 ლარი);
3. სოფელ ვაშლეთის გზის რეაბილიტაცია (882 მეტრი, სავარაუდო ღირებულება -131 450 ლარი);
4. სოფელ ჩრდილის საავტომობილო გზის რეაბილიტაცია (2 400 მეტრი, სავარაუდო ღირებულება 325 083 ლარი);
5. სოფელ კიკნის გზის რეაბილიტაცია (2 500 მეტრი, სავარაუდო ღირებულება -356 188 ლარი);
6. სოფელ ლევრის გზის რეაბილიტაცია (1 400 მეტრი, სავარაუდო ღირებულება 161 414 ლარი);
7. ლაშის ადმინისტრაციულ ერთეულში (ხემა-

ლაში 2 100 მეტრი გზის, ხოლო მანჯავიძეების უბანში 250 მეტრი გზის რეაბილიტაცია, სავარაუდო ღირებულება 275 000 ლარი);

8. სოფელ ლახუნდარის ცენტრალური გზის რეაბილიტაცია (2 350 მეტრი, სავარაუდო ღირებულება - 400 000 ლარი);

9. სოფელ ვარძიის პირველი უბნის 1 500 მეტრიანი გზის რეაბილიტაცია (სავარაუდო ღირებულება 161 135 ლარი);

10. სოფელ ბორის 2 000 მეტრიანი საავტომობილო გზის რეაბილიტაცია (სავარაუდო თანხა 357 266 ლარი);

11. სოფელ თეთრანყაროს საავტომობილო გზის რეაბილიტაცია (2 600 მეტრი, სავარაუდო ღირებულება 370 542 ლარი);

12. სოფელ საქარაქედის 2 200 მეტრიანი საავტომობილო გზის რეაბილიტაცია (სავარაუდო ღირებულება 313 634 ლარი);

13. ლღვან-მარეღისის დამაკავშირებელი გზის რეაბილიტაცია (4 600 მეტრი, სავარაუდო ღირებულება 554 306 ლარი);

თამარ მაღრაძე

თბილისის კითხვან წამაგაულის სახელობის აკლესიის წინამძღვარი ხარაგაულელი მამა შოთა (ბაბლიძე) მრევლთან ერთად სპექტაკლ „დარისპანის გასაჭირს“ დაესწრო

ხარაგაულის მუნიციპალიტეტის კულტურის ცენტრთან არსებულმა ოთარ აბაშიძის სახელობის სახალხო თეატრმა (რეჟისორი ირინე ჩხეიძე) სტუმრებს უმასპინძლა. თბილისის ქეთევან წამაგაულის სახელობის ეკლესიის წინამძღვარი ხარაგაულელი მამა შოთა (ბაბლიძე) მრევლთან ერთად სპექტაკლ „დარისპანის გასაჭირს“ დაესწრო.

200-მდე სტუმარმა ხარაგაულის კინოთეატრში ადგილობრივი ხელისუფლების წარმომადგენლებთან ერთად სასიამოვნო ერთი საათი გაატარა. „დარისპანის გასაჭირს“ მუნიციპალიტეტის გამგებელი ნიკოლოზ თოფურაძე და გამგებლის მოადგილე თემურ ჩხეიძე ესწრებოდნენ.

თეატრის რეჟისორის, ირინე ჩხეიძის ინფორმაციით, სპექტაკლი დასმა სპეციალურად სტუმრებისთვის ითამაშა და ეს ერთგვარ ტრადიციად იქცა. „2015 წლის ზუსტად მაისის თვე იდგა, როცა ჩვენ იმავე აუდიტორიისთვის ილია ჭავჭავაძის „თანამდევნი სული“ ვითამაშეთ. იყო უსაზღვრო ემოცია, განსხვავებული და საოცრად თბილი მაყურებელი. მაშინვე დაიგეგმა მომავალში ხარაგაულში სტუმრობა და წელს მათ უკვე სხვა სპექტაკლი ვაჩვენეთ“, - აღნიშნა ირინე ჩხეიძემ.

მამა შოთა სიამოვნებით იხსენებს მრევლთან ერთად პირველ ვიზიტს ხარაგაულში და აღნიშნავს, რომ ახლაც წარუშლელი შთაბეჭდილებებით ბრუნდება უკან. იგი მადლობას უხდის ხარაგაულის თეატრალურ დასს და ქალბატონ ირინე ჩხეიძეს სასიამოვნო წუთებისთვის.

თეონა საბაძე (მამა შოთას მრევლი): „წინა სპექტაკლის ნახვის შემდეგ ძალიან დიდი ხნის განმავლობაში ვიყავით სანეტარო შთაბეჭდილებების ქვეშ. აქედან გამომდინარე, გადავწყვიტეთ, გვენახა „დარისპანის გასაჭირი.“ სპექტაკლი ძალიან მომეწონა, სურვილი მაქვს, კიდევ ბევრჯერ ჩამოვიდე ხარაგაულში.“

სალამომ ოვაციების ფონზე ჩაიარა. აპლოდისმენტები და სამადლობელი სიტყვები დიდხანს არ წყდებოდა.

ეკა შავიძე



წმინდა ანდრია პირველწოდებულის ხსენების დღეს „რკინის ჯვარი“ 400-მდე ადამიანმა მოილოცა



წმინდა ანდრია პირველწოდებულის ხსენების დღეს, 12 მაისს, ხარაგაულში „რკინის ჯვარი“ 400-მდე ადამიანმა მოილოცა. 15 წლის წინ, ხარაგაულელი შოთა ხარატიშვილის ინიციატივით, „რკინის ჯვარზე“ მოსალოცად ხარაგაულელი ახალგაზრდები პირველად ავიდნენ. ამის შემდეგ მსვლელობა ტრადიციად იქცა და ყოველ წელს პოლიგრამების რაოდენობა იმატებს. გადმოცემის თანახმად, ანდრია მოციქულმა საქართველოში მოგზაურობისას რამდენიმე ადგილზე აღმართა ჯვარი, მათ შორის, ხარაგაულის ტერიტორიაზე, მთა „რკინის ჯვარზე“, რომელიც ზღვის დონიდან 2439 მეტრზე მდებარეობს. მომლოცველებმა წმინდა ანდრია პირველწოდებულის მირონმდინარი ხატი მოციქულის ნაკვალევზე გაატარეს და „რკინის ჯვარზე“ დააბრძანეს. წელს, რთული მეტეოროლოგიური პირობებიდან

გამომდინარე, პოლიგრამებმა საკმაოდ სახიფათო გზა გაიარეს. არაერთი დაბრკოლების მიუხედავად, უფლის ნებით ტური მშვიდობიანად დასრულდა. ამავე დღეს მომლოცველთა ნაწილმა ერთ-ერთი უძველესი სოფელი სახულარი დაათვალიერა. „ნასოფლარი“ - ასე უწოდებენ მთაში ჩაკარგულ ამ სოფელს, სადაც ამჟამად მხოლოდ რვა ოჯახი ცხოვრობს. „ნასოფლარში“ ადგილობრივი წარმოების პროდუქტის გამოფენა-დეგუსტაცია მოეწყო.

„ანდრიაობას“ ხარაგაულში ტურ ოპერატორი მოსკოვიდან კირა სმორჩკოვა, კინორეჟისორი, პროდიუსერი, პოლიგულმი სტუდია „მფრინავი კუს“ მფლობელი ბესარიონ გიორგობიანი, მოლაშქრეთა კლუბ „მწვანე ზებრას“ ხელმძღვანელი ლევან გეგვაძე, off roader-თა ქუთაისის კლუბის წევრები და მომლოცველები საქართველოს სხვადასხვა კუთხიდან სტუმრობდნენ.

მსვლელობა „რკინის ჯვარზე“ ტურიზმის ცენტრისა და (დირექტორი ბერიკა თურმანიძე) ხარაგაულელი ახალგაზრდა ინიციატივების ორგანიზებით გაიმართა. თანადაფინანსებაში მონაწილეობა მუნიციპალიტეტის გამგებობამ (გამგებელი ნიკოლოზ თოფურაძე) და ბაღდათი-ხარაგაულის მაჟორიტარი დეპუტატის ბიურომ (ხელმძღვანელი ოთარ ლურსმანაშვილი) მიიღო.

ეკა შავიძე

საერებულოს თავმჯდომარემ, მანანა ბარბაქაძემ, სამამულო ომში დაღუპულთა მემორიალი ყვავილებით შეამკო

ბორითის ადმინისტრაციული ერთეულის მაჟორიტარმა დეპუტატმა, მანანა ბარბაქაძემ, სამამულო ომში დაღუპულთა მემორიალი ყვავილებით შეამკო და ადგილობრივებს ფაშისზე გამარჯვების დღე მიულოცა. ქალბატონ მანანას ინიციატივით, ამავე დღეს გამარჯვების 72-ე წლისთავისადმი მიძღვნილი ღონისძიება მოეწყო ბორითში, სადაც ვეტერანებისა და დაღუპული გმირების პატივსაცემად ადგილობრივმა ახალგაზრდებმა სხვადასხვა მუსიკალური ნიმუშები შეასრულეს და ლექსები წაიკითხეს.



ეკა შავიძე

ერთი დღე პერბჰვიჭალის საჯარო სკოლაში

10 მაისს ვერტყვიჭალის საჯარო სკოლაში „ცოდნის კვირეული“ ჩატარდა. ხარაგაულის რესურსცენტრის მიერ ორგანიზებულ საგანმანათლებლო კვირეულში სკოლა ყველა აქტიულობაში მონაწილეობდა, მაგრამ ტრადიცია, რომელიც 10 წელს ითვლის, არ დაირღვა და სკოლამ შთამბეჭდავი და ლამაზი ღონისძიება კვლავ შემოგვთავაზა. კვირეულის ფარგლებში ჩატარდა საჩვენებელი პროექტი-გაკვეთილი ქიმიკში, რომელზეც მეცხრე კლასის მოსწავლეებმა (პედაგოგი მანანა ჯიქურიძე) ეკოლოგიურ პრობლემებზე საინტერესო პრეზენტაცია აჩვენეს. დაწყებითი კლასებისა და ხელოვნება-ესთეტიკური აღზრდის კათედრამ (პედაგოგები: ლილია ბარბაქაძე, გულნაზ აბრამაშვილი) „ანბანის გაცილება“ ძალიან ლამაზი ნომრით წარმოგვიდგინეს.

დასკვნით ღონისძიებაზე, სცენაზე ერთმანეთს ცვლიდა მოსწავლეების მიერ შესრულებული ცეკვა, სიმღერა და ლექსი, სკოლის კურსდამთავრებულებმა: დეკანოზმა მირიან სამხარაძემ, დეკანოზმა თევდორე გოგოლაძემ, რეჟისორმა კობა სხილაძემ და კობა კურტანიძემ სკოლის კედლებში გატარებული წლები გაიხსენეს.

„ვერტყვიჭალის სკოლა ყოველთვის გამორჩეული იყო თავისი პედაგოგებითა და აღზრდილებით. მიხარია, რომ ეს ტრადიცია გრძელდება. აქ ჩვენ არა მარტო საგნებს გვაძლავს-



ლიდენ, არამედ მოყვასისა და სამშობლოს სიყვარულს გვიწერავდნენ. ვფიქრობ, ჩემი დისიდენტური ცხოვრების გზა ამ სკოლის პედაგოგების დიდი დამსახურებაა.“ – განაცხაბ

და მამა მირიანმა. სკოლის დირექტორის და პედაგოგების მიმართ სამადლობელი სიტყვები წარმოთქვეს მოწვეულმა სტუმრებმა, რომელთა შორის იყვნენ: ხარაგაულის მუნიციპალიტეტის საკრებულოს წარმომადგენლები, საგანმანათლებლო რესურსცენტრისა და პროფკავშირების რაიონული ორგანიზაციის თანამშრომლები და სკოლას სამახსოვრო საჩუქრები გადასცეს. დავით კიკნაძემ ქალბატონ ლენა აბაშიძის ღვაწლზე ისაუბრა და ხაზგასმით აღნიშნა, რომ მუნიციპალიტეტში ვერტყვიჭალის საჯარო სკოლა ერთ-ერთი წარმატებულია, რაც დირექტორის დაუღალავი შრომის შედეგია.

როგორც ჩვენთან საუბარში ქალბატონი ლენა განმარტავს, „ცოდნის კვირეული“ მიზანია, შემაჯავებელი ანგარიში გაუკეთოს წლის განმავლობაში პედაგოგებისა და მოსწავლეების მიერ გაწეულ მუშაობას. „ვეფიქრობ, საქაოდ საინტერესო ღონისძიება. ყველა კმაყოფილია – ბავშვებიც, პედაგოგებიც, მონვეული სტუმრებიც. მადლობა ყველა იმ ადამიანს, ვინც უშუალოდ მონაწილეობა მიიღო „ცოდნის კვირეულში“ და წვლილი შეიტანა ამ დღეების გალამაზებაში.“ - დასძინა სკოლის დირექტორმა.

ლელა გუგულაშვილი


იმ ქარიშხლიანი დღეების შემდეგ

იცნობდით თეთრანყაროელ „ოთარანთ ქვრივს“ - ნადეჟა გველესიანი?

„თუ წუთისოფელს ერთს ბენო ხანს თვალი მოუხუჭე, ისე გაგათვალავს, როგორც დიდოფელი ლეკი ნაბადსა.“
ილი ჭავჭავაძე „ოთარანთ ქვრივი“

„ლიმილის ბიჭი ვიყავი, ბეჭზედ არნივი მეხატა...“
გიორგი ლორთქიფანიძე „არ დაიდარდო, დედაო!“

ძვირფასო მკითხველო! არ იფიქრო, რუსულ ენაზე საკუთარ სახელთა მართლწერაში „მოვიკოჭლებდე“. არა, ამას ნამდვილად ვერ ვაკადრებ რუსული ენის ჩემს მასწავლებლებს, ისეთ ოსტატებს, როგორებიც იყვნენ: ნიკოლოზ (კოლია) დეკანოზიძე, მიხეილ ჩიკვაძე, არსენ ციციშვილი, ელენე გურგენიძე - მშვიდობა მათ სულიერს! ღმერთმა დადგინა ავტობიუსის სულამაზისა და ნამდვილი სათნოების ეტალონი, ჩემი ლამარა მასწავლებელი- ლამარა ბერაძე-კომპოზიტორ მითა მილორავას მეთუღლე...



ნადეჟა გველესიანი

ჰოდა, ნამდვილად არ მეშლება სათაურში მოხმობილი სახელის ეტიმოლოგია, რომ იგი მშვენიერი რუსული სიტყვიდან მომდინარეობს და მართლწერის შესატყვისად უნდა დაწერო „ნადეჟა“ (იმედი), მაგრამ მთელი სოფელი, ჩემი უსაყვარლესი თეთრანყარო, ასე მიმართავდა ნადეჟა ბენიას- თანასოფელთა იმედს, ნუგეშს, სიმარტოლის ქომავს, სიცრუესთან შეურეგებელს, საძრახისის პირში მთქმელს, გულმონყალესა და სულით ძლიერს...

არც ეპიგრაფები შემირჩევია შეუსა-

ბამოდ. ეჭვი არც თქვენ გეპარებათ, რომ მარტო კახეთს ან ქართლს როდი ჰყავდა ოთარანთ ქვრივი. უფრო სწორად - ოთარანთ ქვრივის მსგავსი დედაკაცები ჰყავდა საქართველოს ყოველ კუთხე-სოფელს და ჰყავდა ულამაზესი იმერეთის ულამაზეს სოფელს - ჩემს თეთრანყაროს...

ნადეჟა ბებომ ძნელბედობის ჟამს სამი „ლიმილის ბიჭი“ მიაშველა სამშობლოს, რომელთა ბიოგრაფიაშიც ეპითეტი „ლიმილის ბიჭი“, სამწუხაროდ, „შინმოუსვლელმა“ შეცვალა...

უბისის წმინდა მინისა და გრიგოლ ხანძთელის აგებული მონასტრის მადლი გამოჰყვა თეთრანყაროში რძლად შემობრძანებულ სებისკვერადის ასულს, როცა მან ცხოვრების თანამგზავრად ღირსეული ვაჟკაცი, ბესარიონ გველესიანი, აირჩია და არც შემცდარა, რადგან უფლისა და შრომის სიყვარული უზგად ჰქონდა მიმადლებული მის გულის სწორს.

ღვთის შენეებით შრომისმოყვარე წყვილმა ეზო-კარი ბაღნარად აქცია, ოდა-სახლი წამოჭიმა; კერა სამი თვალმერცხალა ბიჭისა და ერთი ანცი გოგონას ჟრიაშულმა ააბნინა...

ბესარიონი რომ სიმღერას დააგუგუნებდა და ცოლ-შვილი აჰყვებოდა, ყური უკეთეს ვერას მოისმენდაო, - ხშირად მსმენია ბავშვობისას ჩემს სოფელში...

სიზმარში სულ შავი კაბით გვხვავ, ჩუმად, ჩემს უკითხავად ხომ არ აპირებ დაქვრივებას, ჩემო ნადო! - უთქვამს ერთხელ ენაბოსწრებულ მეთუღლეს ნადეჟა ბებიასათვის. სულ ოციოდე წელს ითვლიდა მამინ ერთ ჭერქვეშ მათი სიამტკბილობის ყოფა... და აკი ახდა სიზმარი - 1935 წელს ერთგული თანამეცხედრის ტრაგიკულად დაღუპვამ გლოვის სამოსში გააპხვია ახალგაზრდა ქალი.

მხარში დამიდევით, ჩემო შვილებო, კერა არ გავაცითო, საფლავში არ შეინძრეს ჩემი ბესარიონის ძვლები, მტერ-მოყვარეს პასუხი თქვენით უნდა გავცე. - იმედით მომდევნავდა შოსანი დედა 20 წლის გრიგოლს, 17 წლის დავითს, 12 წლის ვლადიმერსა და 9 წლის უუჟუნას...

და შვილებიც თავიანთი ზნეკით-

ლობით ჭირის გასაადვილებლად და მომავალ ღონის დღეებთან შესახვედრად აზზადებდნენ გამრჯე და სიკეთით გულსასველ დედას...

თუმც მალე ომის ქუფრმა ღრუბელმა თეთრანყაროს კრიალა ცაც დააბნელა და სოფლიდან ოთხმოცდათვრამეტ განვეულთაგან სამმა ვაჟკაცმა- გრიგოლ, დავით და ვლადიმერ გველესიანებმა- თილისმად დედის ლოცვა გაიყოლა.



გრიგოლ, დავით და ვლადიმერ გველესიანები

დაიწყო დედისთვის უსასრულო მოლოდინითა და მონატრებით აღსავსე დღეები... და უწყვეტად მოედინებოდა სამი ჯარისკაცის სამკუთხა ბარათები ფრონტის ხაზებიდან...

„ჩემო საყვარელო დედიკო! ვიცი, რა გაუსაძლისია შენი ყოფა უჩველად, გაჭირვება ხომ შენთვის უცხო არ არის, მაგრამ ახლა შენზე მეტად სამშობლოს ვჭირდებით, მას ვერ ვუღალავებთ. ჩვენი საქმე სამართლიანია. მალე საკუთარ ბუნაგში გამოვამწყვდევთ შიტლერს და გმირბად დაგიბრუნდებით, დამიკოცნე ჩემი დიკო, ჩემი უუჟუ!“ ეს შუათანა ძმის, დავით გველესიანის, ბოლო წერილია ბელორუსიდან. ის ჯერ კიდევ სავალდებულო სამხედრო სამსახურში ყოფნის წლებში გაიტაცა სამხედრო საქმემ. ბელორუსიაშივე დაამთავრა სამხედრო სასწავლებელი, უფროსი ლეიტენანტის წოდება მოიპოვა და ომიც დაიწყო...

ჩემი ბავშვობის ფრთახატულა დღეებმა გაუზუნებლად შემოინახა მინდა სახე დედისა, რომელიც ხელში პატარა ხელადი, თეფშზე მჭადითა და ყველით ხშირად სთხოვდა ეზოსთან გამკვლავ-გამომვლელს: ერთი ჭიტი ბიჭები დამილოცეთ, რომ ჩემს ლოცვა-ვედრებას თქვენი სადღევრდლოც შეუერთდეს, ეგებ მისწვდეთ ხმა და უზენებლად დამიბრუნდნენ!...

დედას არა და არ სჯეროდა, რომ

მისი ვაჟკაცები ამქვეყნიურ სამზვოს დიდი ხანია, აღარ ამშვენებდნენ; არ ეჯერა არც იმ ცნობისა, სამხედრო კომისარიატი რომ აუწყებდა გრიგოლის, დავითისა და ვლადიმერის უგზო-უკვლოდ დაკარგვას...

შრომით იქარვებდა გულში ვერდატეულ დარდას და ნუხილს, წამითაც არ მოდუნებულა, წამითაც არ მოუხრია ქედი შრომითი ხვედრის წინაშე. მთელი მზრუნველობა ერთადერთ იმედზე - ქალიშვილზე - გადაიტანა და სოფლის თვალდაც აქცია...

სწავლით უნდა შეეჭიფო ამ ტიალ წუთისოფელს, - მოძღვრავდა ქალიშვილის და დედის ბოლო იმედმაც არ დააყოვნა- თბილისის სახელმწიფო უნივერსიტეტდამთავრებულმა უუჟუნა გველესიანმა ცოდნის ჩირაღდანია აუნთო მშობლიური სოფლის მომავალს და პატრიოტი მოველისა და ახლობლის თამაზ გველესიანის, თანადგომით ძველი დაკვებითი სკოლის პატარა შენობის ნაცვლად რვანლიანის სკოლის სამსართულიანი შენობა წამომართა...

თეთრანყაროელთა დამოძვრის



შუშუბა გველესიანი

შემდეგ ქართლის შუაგულს - გორს - გადასწვდა და მეთათე საშუალო სკოლაში წლების განმავლობაში ქართული პროზისა და პოეზიის მადლს აზიარებდა ქართულ ახალგაზრდებს. აქვე არ შემოიღია, მადლიერებით არ მოვიხსენიო სამეგრელოს მინაზე აღზრდილი ჭეშმარიტი რაინდი, ან განსვენებული იროდი იოსავა, უუჟუნა გველესიანის მეთუღლე, საქართველოს მსუბუქი მრეწველობის დიდი სანარმოს - გორის ბამბულის კომბინატის - რაციონალიზატორთა და გამომგონებელთა ცენტრის მთავარი ინჟინერი, რომლის სულშიც უჭირბადა შენივთა სამი შინმოუსვლელი უცნობი ცოლის ძმის სიყვარული და მალამოდ დაედო სიდვლის, ნადეჟა გველესიანის, გულის ჭრილობას...

მერი გიორგიძე

საგანმანათლებლო უვირეულის ფარგლებში გამოვლენილი გამარჯვებულები დაჯილდოვდნენ

8 მაისს საგანმანათლებლო კვირეულის ფარგლებში სხვადასხვა ნომინაციაში გამოვლენილი გამარჯვებულები დაჯილდოვდნენ. დაჯილდოების ცერემონიალი ხარაგაულის საგანმანათლებლო რესურსცენტრში გაიმართა. რესურსცენტრის უფროსმა, დავით კიკნაძემ, მადლობა გადაუხადა თითოეულ სკოლას ღონისძიებაში აქტიური მონაწილეობისათვის. „რომ არა მათი ჩართულობა, ჩვენი თანამშრომლების თავდაუზოგავი შრომა, კვირეული შემოქმედებითად, ინტელექტუალურად, სპორტული და ორიგინალური ღონისძიებებით დატვირთული არ გამოვიდოდა.“ -დასძინა ბატონმა დავითმა.

სივლეები გადაეცათ საქველმოქმედო აქციის „მე დღეს გოგას დედა ვარ!“ აქტიურ მხარდამჭერებს და საგანმანათლებლო კვირეულში გამარჯვებულებს: ლიზა ბარბაქაძეს (N2 საჯარო სკოლის მოსწავლე), ირინა ბერაძეს (ხიდრის საჯარო სკოლა); მარიამ კორაძეს (მარეღისის საჯარო სკოლა); ინგა ბუხნიკაშვილს, თეა ტალახაძეს (ბაზალეთის საჯარო სკოლის პედაგოგები); ია



დეკანოსიძეს (N2 საჯარო სკოლა); ლალი სებისკვერადის (სპმთხ ხარაგაულის რაიონული ორგანიზაციის თავმჯდომარე); ნონა მატყარიანსა და კესო შარიქაძეს (N2 საჯარო სკოლის მოსწავლეები); ლელა ბუბულაშვილს, თეა ბერიძეს, ივანე ჭიპაშვილს, მაია ბერაძეს, ლევან ნანიტაშვილსა და რევაზ დეკანოსიძეს.

სხვადასხვა ნომინაციაში გამარჯვებულები საგანმანათლებლო რესურსცენტრის უფროსმა და თანამშრომლებმა, საქართვე-

ლოს პედაგოგთა და მეცნიერთა თავისუფალი პროფკავშირების ხარაგაულის რაიონული ორგანიზაციის თავმჯდომარემ ლალი სებისკვერადემ, ხარაგაულის მუნიციპალიტეტის გამგეობის კულტურის სამსახურის უფროსმა, ირინე ჩხეიძემ და საკრებულოს საფინანსო-საბიუჯეტო კომისიის თავმჯდომარემ, ვარლამ ჭიპაშვილმა, დაჯილდოეს.

საგანმანათლებლო რესურსცენტრის სპეციალისტის, ნათია კაციტაძის, განმარტებით, აღნიშნული ღონისძიება მუნიციპალიტეტში პირველად ჩატარდა. მისივე თქმით, თანამშრომლებთან მსჯელობის შედეგად გადაწყდა, რომ კვირეული ყოველწლიურად გაიმართოს.

შეგახსენებთ, რომ გოგა კვინიკაძის დასახმარებლად, აქციის ფარგლებში 10 180 ლარი შეგროვდა, მათ შორის 1 500 ლარი ხარაგაულის მუნიციპალიტეტის გამგეობამ გაიღო. თანხა გოგას ანგარიშზე უკვე ჩაირიცხა.

ლელა გუგულაშვილი

მეორე საჯარო სკოლის მოსწავლე ლიზი ბარბაქაძემ ახალგაზრდა შემოქმედთა კლუბი დააარსა



ხარაგაულის მეორე საჯარო სკოლის მეცხრე კლასის მოსწავლის, ლიზი ბარბაქაძის, ინიციატივით, შემოქმედთა კლუბი დაარსდა. კლუბში კიციხის, ბაზალეთის, მოლითის, მარეღისის, წიფის, ლეღნის, ხარაგაულის მეორე და მესამე საჯარო სკოლების მერვე-მეთერთმეტე კლასის მოსწავლეები გაერთიანდნენ, რომლებიც საზოგადოებას თავიანთ შემოქმედებას გააცნობენ და ამ კუთხით საკუთარი თავის წარმოჩენის მოტივაციას აიძლევენ. ახალგაზრდებმა პირველი შეხვედრა ხარაგაულის ცენტრალური ბიბლიოთეკის ინიციატივების ცენტრში 11 მაისს გამართეს და ერთმანეთს თავიანთი შეხედულებები, სამომავლო გეგმები, იდეები გაუზიარეს. ხმათა უმრავლესობით კლუბს „მოხეტიალე ხელოვანები“ დაარქვეს.

პროექტის ფარგლებში დაიგეგმა აქტივობები, რომლებიც მოიცავს კინოჩვენებებს, მინი სპექტაკლებს, პოეზიის საღამოებს, ხელნაკეთი ნივთების გამოფენა-გაყიდვებს.

მომდევნო შეხვედრა 31 მაისს ბაზალეთის საჯარო სკოლის ეზოში გაიმართება, სადაც თითოეულ მათგანს თავისი შესაძლებლობების წარმოჩენის საშუალება მიეცემა: დაწერენ ლექსებს, დახატავენ, შექმნიან ხელნაკეთ ნივთებს.

შეგახსენებთ, რომ პროექტის მხარდამჭერი პარტნიორები არიან: გაზეთი „ახალი ხარაგაული“, ხარაგაულის საგანმანათლებლო რესურსცენტრი, ინიციატივების ცენტრი, ისტორიული მუზეუმი, კულტურის სამსახური და გამომცემლობა „ჩემი იმერეთი“.

ლელა გუგულაშვილი

ლარიხევი გმის სარეაბილიტაციო სამუშაოები იწყება

ხარაგაულის მუნიციპალიტეტსა და შპს „დავით“ შორის ხელშეკრულება გაფორმდა. ხელშეკრულებას ხელი მუნიციპალიტეტის გამგებელმა ნიკოლოზ თოფურაძემ მოაწერა, რომლის თანახმად სოფელ ლარიხევი ბეტონის გზა დაიგეგმა. გამგებმა სამუშაოების შესყიდვის მიზნით ტენდერი 68 140 ლარზე გამოაცხადა და გამარჯვებული კომპანია სამუშაოებს 63 109 ლარად შეასრულებს. ხელშეკრულების პირობების თანახმად, ლარიხევი ბეტონის გზა 685 მეტრზე მოეწყობა და სამუშაოები 60 კალენდარული დღის განმავლობაში დასრულდება.

„ესაუბრა ამომრჩეველს“ - ცენდრალური საარჩევნო კომისიის ახალი პროექტი ამომრჩეველთა ინფორმირებისათვის



ხარაგაულის საოლქო საარჩევნო კომისიის წევრებმა ამომრჩეველთა შეხვედრა გამართეს. შეხვედრის მიზანი მიმდინარე წლის ადგილობრივი თვითმმართველობის არჩევნების შესახებ ინფორმირება გახლდათ. მოსახლეობა გაეცნო ყველა იმ სიახლეს, რაც ცესკოს მიერ საარჩევნო პროცესების ეფექტურად განხორციელებისათვის კეთდება. ამომრჩეველებს დაურთავდათ საინფორმაციო ბუკლეტები და სურვილისამებრ მოხდა კითხვარების შევსება.

ხარაგაულის საოლქო საარჩევნო კომისიის თავმჯდომარის, გაი ციხაძის, ინიციატივით, შევსებული კითხვარები ცენტრალურ საარჩევნო კომისიაში გაიგზავნება და გონივრული შენიშვნები გათვალისწინებული იქნება არჩევნების დროს. მისივე თქმით, 22 მაისს, 12:00 სთ-ზე ხარაგაულის საოლქო საარჩევნო კომისიაში ჩატარდება „ღია კარის დღე“, რომლის ფარგლებშიც დანტერესებული პირები მიიღებენ ამომწურავ ინფორმაციას საარჩევნო ადმინისტრაციასთან დაკავშირებით.

შეგახსენებთ, რომ ცენტრალური საარჩევნო კომისიის მიერ ხორციელდება ახალი პროექტი „ესაუბრე ამომრჩეველს“, რომელიც მიზნად ამომრჩეველთა ინფორმირებას ისახავს.

თამარ მაღრაძე

ვეიტყვიჭალის საჯარო სკოლაში ფაზიზმზე გამაჩვენებელი ალბომი

ვეიტყვიჭალის საჯარო სკოლაში დირექტორის, ლენა აბაშიძის, უშუალო ხელმძღვანელობით ფაზიზმზე გამაჩვენებელი 72 წლის იუბილე ალბომი. მე-8, მე-9, მე-10, მე-11 კლასის მოსწავლეებმა და პედაგოგებმა უცნობი ფარისკაცის საფლავი ყვავილებით შეამკეს და მიმდებარე ტერიტორია განმინდეს. საფლავი რამდენიმე წლის წინ ამავე სოფლის მკვიდრის, ან განსვენებულ გურამ გოგოლაძის, ინიციატივით მოეწყო. ისტორიის პედაგოგმა, თამაზ გოგოლაძემ,

გაკეთა მცირე რაკურსი დიდი სამამულო ომის შესახებ და ქართველების განსაკუთრებულ ღვაწლზე ისაუბრა. ამავე დღეს ხუნევის მაფორიტარმა დეპუტატმა, ლენა აბაშიძემ, მოსწავლეებთან ერთად მოინახულა და საჩუქარი გადასცა ომის ვეტერანს, მედიცინის დამსახურებულ მუმბაკს, 97 წლის ელენე ბლიაძეს.

ვეიტყვიჭალის საჯარო სკოლის VIII კლასის მოსწავლეები: ანა გლიჯია, ნინო გომილაძე.

ხარაგაულის ენოთეატრში ანსამბლ „ეახორის“ სოცო უონტერტი გაიმართა

11 მაისს ხარაგაულის კულტურის ცენტრთან არსებული ფოლკლორულ ანსამბლ „ეახორის“ (ლოტბარი ალექო მიქელაძე) ხუთი წლის იუბილესადმი მიძღვნილი სოლო კონცერტი გაიმართა. ლონისძიებას ხარაგაულის მუნიციპალიტეტის გამგებელი ნიკოლოზ თოფურაძე, მოადგილე თემურ ჩხეიძე და ადგილობრივი თვითმმართველობის სხვა წარმომადგენლები დაესწრნენ. „ეახორში“ მყოფი ბიჭების უმეტესობა ბავშვობიდან ერთად მღერის. ანსამბლი ამ სახელწოდებით 2012 წელს ჩამოყალიბდა, მანამდე კი „საუნჯის“ სახელით მოღვაწეობდა. ამ წლების განმავლობაში მათ არაერთ ნარმატებას მიაღწიეს, როგორც საქართველოში, ასევე მის ფარგლებს გარეთ. „ეახორს“ მონაწილეობა აქვს მიღებული მრავალ ფესტივალზე და არაერთი საპრიზო ადგილისა და გრანპრის მფლობელია. ანსამბლის წევრების მომღერლებად აღზრდასა და ჩამოყალიბებაში უდიდესი წვლილი მიუძღვის ან გარდაცვლილ თამაზ კიკნაძესა და პედაგოგებს: დალი და მაია მაღრაძეებს.

„ეახორის“ რეპერტუარი მრავალფეროვანია. ბიჭები დღესაც



აქტიურად ცდილობენ ქართული ხალხური მრავალხმიანობის შესწავლა-განვითარებას, რათა შეინარჩუნონ წინაპრების დანატოვარი უდიდესი საგანძური და ღირსეულად გადასცენ მთამომავლობას.

ლელა გუგულაშვილი

ქართული სიფიარის კონკურსში ხარაგაულელმა ახალგაზრდებმა უმაღლესი ჯილდო დაიმსახურეს

ხარაგაულის მოსწავლე-ახალგაზრდობის სახლის(დირექტორი მაია ბლუაშვილი) საესტრადო წრის მოსწავლეებმა ნინო რამიშვილმა და მარიამ მანჯავიძემ (პედაგოგი დარეჯან გვაძაბია) თბილისში გამართულ კონკურსში გაიმარჯვეს და ასაკობრივი ჯგუფების მიხედვით უმაღლესი ჯილდო, გრანპრი დაიმსახურეს. გიორგი ცაბაძის სახელობის ქართული სიმღერის კონკურსი - „ჩემი საქართველო აქ არის“ ესთეტიკური აღზრდის ცენტრის ორგანიზებით გაიმართა. ხარაგაულელმა მოსწავლეებმა ორ-ორი სიმღერა შეასრულეს და ჟიურის დიდი მონონება დაიმსახურეს.

თვითმმართველობის დღე N2 საჯარო სკოლაში

ხარაგაულის N2 საჯარო სკოლაში მოსწავლეთა თვითმმართველობის დღე აღინიშნა, რომლის ფარგლებშიც აღსაზრდელებმა წარმოადგინეს საგაკვეთილო თემასთან დაკავშირებული პრეზენტაციები, შეასრულეს ჯგუფური სამუშაოები და მთლიანად სასწავლო პროცესი მათ მიჰყავდათ. ამავე დღეს პედაგოგების: თამარ მაღრაძისა და რუსუდან თაბაგარის ძალისხმევით, ფრანგულენოვანი ლონისძიება ჩატარდა.

მე-2 საჯარო სკოლის დირექტორის, ვალერი გოგნაძის, განმარტებით, თვითმმართველობის დღე მიზნად ისახავს მოსწავლეთა მოტივაციის ამაღლებას, რათა შემდგომში დამოუკიდებლად შეძლონ საქმის წარმართვა. „სკოლას გააჩნია თავისი ბეჭდვითი ორგანო „მნათობიერი“, რომელიც წელიწადში ერთხელ გამოდის და მასში აღწერილია სკოლის მთელი წლის მუშაობა, მათ შორის თვითმმართველობის დღეც.“ - აღნიშნა გოგნაძემ.

გოგა აბაშიძე, რომელიც ამავე დღეს „სკოლის დირექტორის“ თანამდებობას იკავებდა, ამბობს, რომ მსგავსი ტიპის აქტივობები შემდგომში კარიერულ წინსვლაში დაეხმარება.

„სასწავლო წლის გაშვებ“, XII კლასის მოსწავლე, ანი აბაშიძე, განმარტავს, რომ ბავშვებისათვის ეს ღონისძიება მნიშვნელოვანია,



რადგან დამოუკიდებლობას ეჩვევიან.

IX კლასის მოსწავლე თამარ ჭიპაშვილი თვლის, რომ მასწავლებლობა საკმაოდ რთული და საპასუხისმგებლო პროფესიაა. თამარს თვითმმართველობის დღე ძალიან მოსწონს და ყოველწლიურად დიდი ენთუზიაზმით ელოდება.

თამარ მაღრაძე

ზორის სკოლა-პანსიონის მომართა გუნდმა ვაიხის მოზაიკითა ჰირანი ჯიხი დაიკავა

სასკოლო სპორტული ოლიმპიადის რეგიონალურ ტურში ხარაგაულის მუნიციპალიტეტის ბორის სკოლა-პანსიონის გოგონათა გუნდმა მაგდის ჩოგბურთში პირველი ადგილი მოიპოვა. ოლიმპიადის გამართვა და ხარაგაულელმა ზესტაფონის გუნდი დაამარცხეს.

აღსანიშნავია, რომ ოლიმპიადაზე ხარაგაულის მუნიციპალიტეტის საჯარო სკოლები ღირსეულად წარდგნენ და წარმატებით იასპარეხეს. კერძოდ, ბადმინტონის ტურში ხარაგაულის N3 საჯარო სკოლის ვაჟთა და ხარაგაულის N2 საჯარო სკოლის გოგონათა გუნდებმა მეორე ადგილი დაიმსახურეს. ხევის საჯარო სკოლის გოგონათა გუნდმა კი - გებრეძელში მეორე ადგილი მოიპოვა.

საჯარო სკოლების მონაწილეობას სასკოლო სპორტულ ოლიმპიადაზე ხარაგაულის მუნიციპალიტეტის გამგეობის კულტურის, განათლების, სპორტისა და ახალგაზრდობის საქმეთა სამსახური უწევდა ორგანიზებას.

ფარისებრი ჭირკვლის დაავადებებზე ლექცია-სემინარი ჩატარდა

რა არის ფარისებრი ჭირკვალი, რით გვემუქრება იოდის ნაკლებობა, როგორ ამოვიცნოთ ეს დაავადება და როგორ დავიცვათ თავი იოდდეფიციტისგან - აღნიშნულ თემებზე ხარაგაულის N3 საჯარო სკოლაში ლექცია-სემინარი ჩატარდა საზოგადოებრივი ჯანმრთელობის დაცვის ცენტრის იმუნიზაციის ჯგუფის ხელმძღვანელის თანამშრომელმა, ნანა ბერაძემ.

„ფარისებრი ჭირკვალი ყელის მიდამოში მოთავსებული პატარა, მაგრამ უმნიშვნელოვანესი ორგანოა და მისი ნორმალური ფუნქციონირება დამოკიდებულია ორგანიზმის იოდით მომარაგებაზე.“ - აღნიშნა ნანა ბერაძემ და განმარტა, რომ იოდდეფიციტური დაავადებები ხელს უშლის ორსულობის ნორმალურ მიმდინარეობას, ბავშვებში კი - ფიზიკურ და ფუნქციურ შეფერხებას განაპირობებს.

ნანა ბერაძის თქმით, ფარისებრი ჭირკვლის ფუნქციური გამოკვლევა აუცილებელია. თუ ადამიანი უჩივის შემდეგ სიმპტომებს: წონაში უმიზეზო კლება/მატება, ალგზნებადობა, გადამტეხილი ემო-

ციურობა, ოფლიანობა, შიშის გრძნობა, უძილობა, ხასიათის ხშირი ცვლილება, გულის ფრიალი, მაჯისცემის გახშირება, ხელების კანკალი, სისუსტე, მაღალი ტემპერატურის აუტანლობა, ამ შემთხვევაში შეიძლება პაციენტს აღენიშნებოდეს ჰიპერთირეოზი (პროცესი, როცა ფარისებრი ჭირკვალი საჭიროზე მეტ ჰორმონს გამოიმუშავებს). ასევე, როცა ადამიანი უჩივის: წონის მატებას, დეპრესიულუობას, აპათიურობას, კანის სიმშრალეს, თმის ცვენას, ფრჩხილების მტვრევადობას, შეკრულობას, მესხიერების დაქვეითებას, ძლიანობას, მაჯისცემის შენელებას, მცირეწონობას, ასეთი სიმპტომების დროს შეიძლება იყოს ჰიპოთირეოზი (როცა ორგანიზმში ფარისებრი ჭირკვლის ჰორმონები საჭირო რაოდენობით არ გამოიმუშავდება).

ნანა ბერაძე აღნიშნავს, რომ დაავადების პროფილაქტიკისთვის საუკეთესო საშუალებაა იოდირებული მარილის რეგულარული გამოყენება, ასევე ყურადღება უნდა მიექცეს იოდდეფიციტური პროდუქტების მიღებას.